



**Jān Būreejtōn
Henry B. Eyring**

Rikakpilōklōk eo Kein Kajuon
ilo Būreejtōnji eo Kein Kajuon

Baamle ko im Jar

Juon iien, ke ikar jijet itūrin peet eo an jema boñōn eo, ekar bwebwenato kōn tōre ko ke ekar ajri. Ekar bwebwenato kōn iakwe eo an ro jinen im jemān ilo iien ko reppen im kōn iakwe eo an Jemwōj Ilañ im Rilōmqōr eo. Ikar jelā bwe ekar lukkuun dōlōql kōn kān-jer, kōn menin ekar jab lukkuun kabwilōñ eō elōñ iien ko ekar pukwōj eñjake ko an ñan Jemedwōj Ilañ kōn iakwe im jouj eo an eo jemān ioon laḷ in. Jema ekar emakijkij an ba bwe ke ekar jar, ekar ḷōmḷak bwe emaroñ loe ilo kōlmenḷokjeḷ eo an an Jemedwōj Ilañ ettōndikdik.

Jinen im jemān rekar katakini jān waanjoñak ñan jar āinwōt eḷañe ekar kōnono ñan Anij im bwe Anij enaaj uwaak e ilo iakwe. Ekar aikuji waanjoñak in ḷae iien ejemḷok an mour. Ñe metak eo ippān ej ḷapḷok, kōmij loe an kar jar ilo jibboñ jubukwe itūrin beet eo an. Ekar lukkuun ḷōjḷō ñan an bar walōñḷok ñan ioon beet eo. Ekar jiroñ tok kōm bwe ekar jar im kajjitōk ippān Jemedwōj Ilañ etke ekar lukkuun eñtaan ke aolep iien ekar kajjieōñ erom juon armej emḷan. Ekar ba bwe juon uwaak ejouj ekar itok: “Anij e aikuji ḷaddik ro nejin reperan.”

Innām ekar kijenmej ñan jemḷokin, lōke bwe Anij ej iakwe e, Ekar roñjake e, im Enaaj kotak e. Ekar jeramḷan bwe emaroñ kar jelā ke ekar dik wōt im ej jāmin meḷokḷok bwe juon Anij eo eḷap iakwe ippān epaak ḷok āinwōt juon jar.

Eñin unin an Irooj kar katakin ro jined im jemād, im rej aikuji barāinwōt katakin ajri ro nejier jar im etetal jimḷwe imaan mejān Irooj (Lale D&C 68:28).

Gospel eo an Jisōs Kraist emōj an jepḷaaktok—ippān Bok in Mormon eo im aolep kii ko an priesthood ko remaroñ liāpe baamle ko—kōnke Josep Smith āinwōt juon ḷaddik jidikdik ekar jar ilo tōmak. Ekar bōk tōmak in an ilo juon baamle eo ewōr iakwe ippāer im lukkuun tiljek.

Roñoul iio ko remōotḷok, Irooj ekar leḷok ñan baamle ko kapilōk in “Baamle Eo: Juon Naan in Kean Ñan Laḷ in” jān Būreejtōnji eo Kein Kajuon im Douluul eo an Joñoulruo Rijilōk ro: “ḷare ko repen aer rub im baamle ko rej ejaak wōt ioon pedped ko an tōmak, jar, ukweḷok, jeorḷok bōd, kautiej, iakwe, jelā ḷae doon, jermal, im ḷakūtḷūt ko remḷan ñan kōkkajoor doon.”¹

Ej aikuji wōr ippād juon joñan kamḷoolol eo eḷap ñan baamle in an Josep Smith Rikanaan eo kōn wāween aer kar kōkkaajiriik e. Baamle eo an rekar waanjoñak jab wōt kōn tōmak im jar ak barāinwōt ukweḷok, jeorḷok bōd, kautiej, iakwe, tiriamḷo, jermal, im makūtḷūt ko rümḷan ñan kōkkajoor doon.

Epepen ko renaaj itok ālkimi renaaj likūt komḷ rijeban kōn waanjoñak in jar eo ami ilo baamle eo ami. Komaroñ jab kōkkaajiriik juon rikarejar in Anij, ak komaroñ kōn jar ko amḷ im kōn waanjoñak ko amḷ retiljek ñan jipañ Irooj Jisōs Kraist kōkaajiriik rikaḷoor ro remḷan im rejitōn bōro.

Jān aolepān men kein, komaroñ kālet ñan jipañ Irooj, jar enaaj men eo eaorōktata. Elōñ armej ro remḷan, ñe rej jar, reimḷwe ro jet bwe ren kōppellōk mejāer im lale wōn epād ijin. Komaroñ erom kain armej rot in.

Łomņak ta eņjake eo an eo ej bukwelōlō ippān baamļe eo aņ ilo iien jar eo an baamļe. Eļāņne rej eņjake bwe kwoj kōnono nān Anij ilo tōmak, tōmak eo aer enaaj ļap-ļok im renaaj barāinwōt kōnono ippān Anij. Eļāņne kwoj jar im kaņņoolol Anij kōn kōjeramņan ko rejelā emōj aer iooni, tōmak ko aer renaaj eddōkļok bwe Anij ej iakwe er im bwe Ej uwaake jar ko aņ im enaaj uwaake jar ko aer. Menin emaroņ waļok ilo iien an baamļe eo jar eļāņne ewōr aņ eņjake kōn jar ko aņ rettino, iien nān iien.

Eļap aō jeramņan wōt kōn jinō im jema ro raar kōnono ippān Anij. Aer waanjoņak kōn kajoor in jar ilo baamļe ko enaaj barāinwōt kōjeramņan epepen ko tok ālik.

Ajri ro neļū im ajri ro jibū rej jeramņan aolep raan kōn waanjoņak in an ro jinō im jema. Kōn tōmak in me Anij eo eļap an iakwe eo ej roņjake im uwaake jar ko eaar bar kōjōlet er. Komaroņ kōmņane juon bwebwenato in kake-meemej kōn baamļe eo aņ. Ij jar bwe kwonaaj.

KAKEEMEMEJ

1. “Baamļe Eo: Juon Naan in Keaņ nān Laļ in,” *Liaona*, Nov. 2010, 129.

KŌJERAMŅAN 20 IIŌ IN NAAN IN KEAŅ EO AN BAAMĻE

“Baamļe Eo: Juon Naan in Keaņ nān Laļ in” ej katakin pedped in katak ko rainin āinwōt aer kar kwaļokki jinoin ilo Jeptōmņba 23, 1995. Łomņak in karuwaineneik kajjojo ak baamļe ko kwoj katakin er nān kōjeramņan 20 iiō in naan in keaņ eo kōn:

1. Laajrak in pedped in katak ko me rekitbuuj wāween eo emņan nān er. (Lale ewi wāween an Būreejtōn Eyring kōmņane ilo an jar ilo enaan in ilōņ.)
2. Ekōnono kōn wāween an kajjojo pedped in katak maroņ kōjeramņan er rainin im ilju im jekļaj.
3. Kōmņane kajjojo kōttōbar ko nān kakobaikļok pedped in katak kein ilo mour ko aer im nān kwaļokki katak kein ippān ro jet.

© 2015 jān Intellectual Reserve, Inc. Aolep jimwe ko rej pād ippān. Jeje ilo USA. Kōmālim ilo kajin English: 6/15. Kōmālim an ukook: 6/15. Ukook eo an *First Presidency Message*, September 2015. Marshallese. 12589 874

JODIKDIK RO

Jerbal ilo Jar

Būreejtōn Eyring ej katakin bwe baamļe eo aņ emaroņ in jeramņan jān jemjerā eo aņ ekajoor ippān Jemedwōj Ilaņ. Komaroņ kōkōmņanmānļok jemjerā eo aņ Ippān jān aņ kōkōmņanmānļok jar ko aņ! Erkein rej jet ļomņak ko kōn wāween kōmņane āindein:

Mokta jān aņ jino jar eo aņ, bōk jidik iien im ļomņak kōn ta eo kokōņaan ba. Łomņak kōn kajjitōk ko emaroņ wōr ippam ak men ko rekar kainepataik eok—kwomaroņ jeiki bwe kwon jab meļokļok. Kōjerbal iien in barāinwōt nān aņ karreoik ļomņak ko aņ jān poktak ko an raan eo bwe kwon maroņ mijōk wōt imwe ko an Jetōb Kwojarjar. Eļāņne kōļmenļokjeņ eo aņ ekabōjrak an ļomņak kōn ta eo kwon kar jar kake iien eo kwoj jar, kajjieoņ in pijaik an Jemedwōj Ilaņ roņjake. Kōnono ilo meļeļe ko ralikkar. Barāinwōt, bōjrak iumwin jejo minit ālkin aņ jar im roņjake imwe ko an Jetōb. Komaroņ in je imwe ko ilo jōnōl eo aņ.

Keememej bwe jar ej itok ilo jekjek in jermal, kōn menin kwoj jab inepata eļāņne ebōk jet iien kamminene ko ak āinwōt epen! Aņ kijejeto ilo jar emaroņ jipaņ eok kōmņane juon jemjerā ikōtaamļ ippān Anij eo enaaj kōjeramņan epepen ko.

AJRI RO

Juon Jar Ej Kakeememej

Būreejtōn Eyring ej katakin bwe elukkuun aorōk bwe kwon jar ippān baamļe eo aņ. Komaroņ juon waanjoņak nān baamļe eo aņ jān aņ jar aolep raan. Komaroņ barāinwōt kakeememej baamļe eo aņ bwe komin jar ippān doon aolep raan. Keememej kout in jān bar juon kōnono jān Būreejtōn Eyring: “Jemedwōj Ilaņ ej roņjake jar ko aņ. Ej iakwe eok. Ejeļā kajiem” (“An Revelesōn Wōnņaanļok,” *Liaona*, Nobōmņba, 2014, 73). Je kout in ilo juon kaat ak jidik peba im likūti ijo baamļe eo aņ emaroņ in loe. Wāween in komaroņ aolep iien keememej bwe Jemedwōj Ilaņ ekōņaan roņjake eok!



Tōmak, Baam̄le, Deeor

Wāween Mour ko Rekwojarjar an Jisōs Kraist: Lukkuun Kajoor im Obrak kōn Aiboojoj

Kanooj jar ilo ekkatak kōn katak in im pukōt n̄an jeḷā ta eo n̄an kwaḷok. Ekōjkan ami naaj meḷeḷe kadkad in mour eo ekwojarjar an Rilom̄qor eo ej kōḷapḷok tōmak eo ami ilo E im kōjeram̄man ro kom̄wij (bōk eddoier) mije er kōn naan in katak an kōrā? N̄an meḷeḷe ko reḷḷapḷok, etal n̄an reliefsociety.lds.org.

Eñin ej mōttan eo an Naan in Katak ko an Kōrā ro rej pijaik wāween kadkad in mour ko rekwojarjar an Rilom̄qor eo.

Jeje ko rekwojarjar rej katakin kōj bwe Jisōs Kraist “eaar bōk aolep kajoor, jimor ilo lañ im ioon laḷ, im aiboojoj eo an Jemān eaar pād Ippān, bwe Eaar pād ilo E” (D&C 93:17). Elder M. Russell Ballard jān Doulul eo an Joñoulruo Rijilōk ro ekar ba bwe jān kajoor in ad Rilom̄qor ekar kōman̄man lañ ko im laḷ, kijenmej jān metak ilo Gethsemane im Calvary.¹ Ilo ad meḷeḷe menin, tōmak eo ad ilo Kraist enaaj eddōkḷok, im jenaaj erom̄ ro rekajoor.

Ilo ad kōm̄man im kōjparok bujen ko an tampeḷ, Irooj ej kōjeram̄man kōj kōn kajoor eo An. Linda K. Burton, būreejtōn eo euetiej an Doulul eo an Kōrā, ekar ba: “Kōjparok bujen ej kōkajoorḷok, kōmālīm, im kōjparok. . . . Jemāanḷok iaar iioon juon mōtta eo ejitenbōro. Liin eaar kaḷool bwe ālkin an bōk

menin letok ekwojarjar an tampeḷ eo, eaar eñjake an kajoorḷok kōn kajoor eo n̄an jum̄ae kapo ko.”²

Nipai ej kwaḷok an naan in kaḷool kōn kajoor in bujen: “N̄a, Nipai, iaar lo kajoor in Lam an Anij, bwe ekar buñ . . . ioon armej in bujen ko an Irooj, . . . im raar pojak kōn jim̄we im kōn kajoor in Anij ilo aiboojoj eḷap” (1 Nipai 14:14).

Bar Jet Eoon Ko

Jeremaia 51:15; Revelesōn 1:6; Jakob 4:6–7; Mosaia 3:17

Jān Jeje ko Rekwojarjar

An ekar obrak kōn eḷap tiriam̄q n̄an Matha im Meri, Jisōs Kraist ekar kōjerkakpeje eo jeir Lazarus jān mej kōn kajoor eo an Anij ekar pād Ippān.

Jisōs ekar itaakḷok ilo m̄weo imōn Matha im Meri ālkin an Lazerōs kallib ālkin emān raan ko. Rekar etal n̄an lōb eo an Lazerōs, im Jisōs ekar keañ bwe mejān lōb eo ej kalipopoik

kōjem̄ eo bwe ren kōmakūti. Jisōs ekar ba n̄an Matha, “Eḷañne kwōj tōmak, kwō naaj lo aiboojoj an Anij?” Innām Ekar jar n̄an Anij im Jemān im “lam̄ōj kōn ainikien eḷap, Lazerōs, kwōn itok.

“Im eo ear mej ej itok, kūtīmi pein im neen kōn nuknuk in mej, im turun mejān lukwōje kōn bwinin mej.” (Lale Jon 11:1–45.) Rilom̄qor eo ej kōjberbal kajoor eo An n̄an pinmuuri im kōmālīm kōj. Ad tōmak ilo E enaaj ḷapḷok ilo ad keememej bwe E eobrak kōn kajoor im aiboojoj.

KAKEEMEMEJ KO

1. Lale M. Russell Ballard, “Eñin ej Jerbal im Aiboojoj eo Aō,” *Liaona*, Eprōḷ 2013, 18.
2. Linda K. Burton, “Kajoor, Lañlōn, im Iakwe n̄an Kōjparok Bujen,” *Liaona*, Oktoba. 2013, 111.

Lōm̄nak kōn Menin

Ewi wāween an kajoor eo an Anij oḷaake kōj kōn kajoor im aiboojoj?